

四庫全書

集部

欽定四庫全書

唐詩紀事卷十

宋 計敏夫 撰

趙彥昭

崔日用

李乂

盧藏用

馬懷素

薛稷

劉允濟

李元紘

李嶠

蘇瓌

蘇頲

趙彥昭

上幸薦福寺令賦詩云初地龍飛後金身佛現時千花
開國界萬善累重基北闕承行幸西園屬住持天衣拂

舊石王舍起前祠
剎鳳迎瑇瑁輦
幡虹駐綵旗
同霑小雨潤
仰詠大風詩

九日臨渭亭
云秋豫凝仙
覽宸遊轉翠華
呼鷹下鳥路
戲馬出龍沙
紫菊宜新壽
丹萸辟舊邪
須陪長久宴
歲歲奉吹花

安樂公主入新宅詩
云雲物中京曉
天人外館開
飛橋像河漢
懸榜學蓬萊
北闕臨仙檻
南山送壽杯
一窺輪奐畢
慙慙棟梁材

人日清暉閣應制云出震乘東陸憑高御北辰祥雲應
早歲瑞雪候初旬庭樹千花發堦棠七葉新幸承今日
宴長奉萬年春

侍宴韋嗣立庄云賢族唯題里儒門但署鄉何如表巘
洞宸翰發輝光地在茲山曲家憐郤水陽六龍駐旌罕
四牡耀旂常北斗臨台座東山入廟堂天高羽翼近主
聖股肱良野竹池亭氣村花澗谷香縱然懷豹隱空愧
躡鵷行

白鹿觀應制云雲駢驅半景星蹕坐中天國誕玄宗聖
家尋碧落仙玉杯鸞薦壽寶筭鶴知年一覩光華旦忻
承道德篇

登驪山寓目應制云皇情遍九垓御輦駐昭回路若隨
天轉人疑近日來河看大禹鑿山見巨靈開願扈登封
駕常持薦壽杯

人日翫雪應制云始見青雲干律呂俄逢瑞雪應陽春
今日迴看上林樹梅花柳絮一時新

七夕應制云青女三秋節黃姑七日期星橋度玉珮雲
閣掩羅帷河氣通仙掖天文下睿詞今宵望雲漢應得
見蛾眉

慈恩寺九日應制云出豫乘秋節登高出梵宮皇心滿
塵界佛跡現虛空日月宜長壽人天得大通喜聞題寶
唱受記莫由同

立春日侍宴別殿內出綵花應制云剪綵迎初候攀條
寫故真花隨紅意發葉就綠情新嫩色驚嘶鶯輕香誤

採人應為薰風拂能令芳樹春

人日侍宴大明宮應制云寶契無為屬聖人
璚輿出幸翫芳辰平樓半入南山霧飛閣
旁臨東野春夾路穠花千樹發垂軒弱柳
萬條新處處風光今日好年年願奉屬車
塵

悼右僕射楊再思詩云兩揆光天秩三朝奉
帝熙何言集大鳥忽此喪元龜坐歎公槐
落行聞宰樹悲壑舟今已去寧有濟川期

彥昭字貞然甘州人少豪邁風骨秀爽景龍中為相以
權幸進後御史郭震非元震也劾暴舊惡姚崇惡之貶江州
別駕卒

崔日用

正月七日宴大明殿詩云新年宴樂坐東朝鐘鼓鏗鏘
大樂調金屋瑤筐開寶勝花牋彩筆頌春椒曲江苔色
水前液上苑梅香雪裏嬌宸極此時飛聖藻微臣竊抃
預聞韶

望春宮迎春應制云東郊草物正薰馨素湑鳬鷺戲綠汀鳳闕斜通長樂觀龍旂直逼望春亭光風遙艷蘭英紫淑景依遲柳色青渭浦明晨脩禊事群公傾賀水心

銘

送金城公主云聖后經綸遠謀臣計畫多受降追漢策
築館許戎和俗化烏孫壘春生積石河六龍今出餞雙
鶴願為歌

宴長樂公主新宅云銀燭金屏坐碧堂只言河漢動神

光主家盛明歡不極才子能歌夜未央

錢唐永昌云洛陽桴鼓今不鳴朝野咸推重太平冬至
冰霜俱怨別春來花鳥若為情

慈恩寺九日應制云紫宸歡每洽紺殿法初隆菊泛延
齡酒蘭吹解解愠風咸英調正樂香梵遍秋空臨幸符天
瑞重陽日再中

日用為御史中丞賜紫是時佩魚須有特恩亦因宴命
群臣撰詞日用曰臺中鼠子直須諳信足跳梁上壁龕

倚翻燈脂污張五還來嚙帶報韓三莫浪語直王相大
家必若賜金龜賣却猫兒相報賞中宗亦以金魚賜之
立春遊苑應制云乘時迎氣正璿衡灞滻煙氛向曉清
剪綺裁紅妙春色宮梅殿柳識天情瑤筐綵鷺先呈瑞
金縷晨鷄未學鳴聖澤陽和宜宴樂年年捧日向東城
上宴日日用起舞自歌云東館揔是鵲鸞南臺自多杞
梓日用讀書萬卷何忍不蒙學士墨制簾下出來微臣
眼看喜死其日以日用兼修文館學士制曰日用書窮

萬卷學富三冬日用舞蹈拜謝日用滑州人中宗時武
三思宗楚客權寵交煽日用多所結納才辯絕人能乘
機反禍取富貴韋氏平遂為相嘗謂人曰吾平生所事
皆適時制變不專始謀然每一反思若芒刺在背云明
皇時日用猶被寵眷帝賦詩宴遊多預酬唱送張說巡
邊應制云吉日四黃馬宣王六月兵擬清鷄鹿塞先指
朔方城日用有才辯惟是姦佞耳中宗時七日應制云
曲江苔色冰前液上苑梅香雪裏嬌亦佳語也

李义

陪幸臨渭亭詩云青陽御紫微白雪下彤闈
淡壤流天霈綿區灑帝輝水如銀度燭雲似玉披衣為得因風起
還來就日飛

送沙門元奘等還荊州云初日承歸旨秋風起贈言漢
珠留道味江璧返真源地出南關遠天迴北斗尊寧知
一柱觀却啓四禪門

芙蓉園應制云水殿臨丹籞山樓逸翠微昔遊人託乘

今幸帝垂衣澗篠緣峰合巖花逗浦飛朝迴曲池地無處不光輝

陪幸韋嗣立庄云樞掖調梅暇林園種槿初入朝榮劒履退食偶琴書地隱東巖室天迴北斗車旌門臨寧窳輦道屬扶踈雲罕明丹谷霜筵徹紫虛水疑投石處溪似釣璫餘帝澤頒卮酒人歡頌里閭一承黃竹咏長奉白茆居

景龍四年正旦賦栢樹詩云勁節凌冬勁芳心待歲芳

金匱要略卷十
能令人益壽非止麝含香

陪幸長寧公主庄云紫禁乘宵動青門訪水嬉貴遊鱣
序集仙女鳳樓期合宴簪紳滿承恩雨露滋北辰還捧
日東館幸逢時

陪奉五王宅云家住千門側亭臨二水傍貴遊開北第
宸睞幸西鄉曳履迎中谷鳴絲出後堂浦疑觀萬象峰
似駐三光草向瓊筵樂花承繡宸香聖情思舊重留飲
賦雕章

三會寺應制云睿德摠無邊神臯擇勝緣二儀齊法駕
三會禮香筵漢闕中黃近秦山太白連臺疑書鳥日池
似刻鯨年滿月臨真鏡秋風入御絃小臣叨下列持管
謬窺天

薦福寺應制云象設隆新宇龍潛想舊居碧樓披玉額
丹仗導金輿代日興光近周星掩曜初空歌清沛筑梵
樂奏胡書帝造環三界天文賁六虛康哉孝理日崇德
在真如

人日清暉閣應制云上日登臺賞中天御輦飛後庭聯
舞唱前席仰恩輝睿作風雲起農祥雨雪霏幸陪人勝
節長願奉垂衣

安樂公主山庄云金輿玉輦背三條水閣山樓望九霄
野外初迷七聖道河邊忽覩二靈橋懸泉滴滴依虹箭
清吹泠泠雜鳳簫向晚平陽歌舞合前溪更轉木蘭橈
白鹿觀應制云制蹕乘驪阜廻輿指鳳京南山四皓謁
西岳兩童迎雲幄臨懸圃霞杯薦赤城神明近福地何

必往蓬瀛

登驪山寓目應制云
崖巘萬尋懸
居高敞御筵
行戈疑駐日
步輦若昇天
城闕霧中近
關河雲外連
謬陪登岱駕
忻奉濟汾篇

望春宮迎春應制云
東城結宇敞
千尋北闕迴
輿具四臨麗
日祥煙承
罽畢輕萋萋
弱草藉衣簪
秦商重沓雲巘
近河渭
縈紆霧壑深
謬接鴈鴻陪
賞樂還欣魚
鳥遂飛沉

春日遊苑喜雨云仙蹕九成臺香筵萬壽杯一旬初降
雨二月早聞雷葉向朝躋密花含宿潤開幸天承澤遍
無使日光催

興慶池應制云神池汎濫水盈科仙蹕紆徐步輦過縱
棹洄沿萍溜合開軒眺賞麥風和潭魚在藻供遊詠谷
鳥含櫻入賦歌寄語乘查溟海客回頭來此問天河
宴安樂公主新宅云牽牛南度象昭回學鳳樓成帝女
來平旦鵷鸞歌席上方宵鸚鵡獻酬杯

錢唐永昌云田郎才貌出咸京潘子文華向洛城願以
深心留善政當令強項謝高名

錢唐州高使君云淮源之水清可以濯君纓彼美稱才
傑親人佇政聲歲寒疇曩意春晚別離情終歎臨岐遠
行看擁傳榮

錢許州宋司馬云展驥旌時傑談鷄美代賢暫離仙掖
務追送近郊筵地慘金商節人康璧假田從來昆友事
咸以佩刀傳

金史卷之八
卷十
慈恩寺九日應制云涌塔臨玄地高層瞰紫微鳴鑾陪
帝出攀橈翊天飛慶洽重陽壽文含列象輝小臣叨載
筆欣此頌巍巍

和晦日駕幸昆明池云玉輅尋春賞金堤重晦遊川通
黑水浸地派紫泉流晃朗扶桑出綿聯杞樹周烏疑埋
海處人似隔河秋劫盡灰猶識年移石故留汀洲歸棹
晚簫鼓雜汾謳

人日侍宴大明宮應制云詰旦行春上苑中憑高却下

大明宮千年執象褰羸泰七日為人慶賞隆鐵鳳曾騫
搖瑞雪銅烏細轉入祥風此時朝野歡無筭此歲雲天
樂未窮

奉和三日被袞渭濱云上林花鳥暮春時上已陪遊樂
在茲此日欣逢臨渭賞昔年空道濟汾詞

又為紫微侍郎與蘇頲對掌綸誥明皇曰前有味道嶠
朕今有頲又皆號蘇李時宰輔子將授太廟頲草詞久
不就曰以遵仲尼之問而未能續又曰何不云宜採方

山之能顯伏其敏

卷十

又字尚貞趙州人年十二工屬文薛元超曰是子且有
海內名沈正方雅識治體時稱有宰相器初為黃門侍
郎開元初姚崇為紫微令乃薦為侍郎外託引重實去
其糾駁權畏又明切也未幾卒於刑部尚書兄尚一尚
正俱有名同為一集號李氏花萼集

尚一終清源尉
尚正博州刺史

盧藏用

幸安樂公主西庄應制云皇女瓊臺天漢潯星橋月宇

創山林飛蘿半拂銀題影瀑布環流玉砌陰菊酒香隨
鸚鵡泛簫樓韻逐鳳凰吟瑤池蹕駐思方久璧月無文
興轉深

餞唐州高使君云餞酒臨豐樹褰帷出魯陽蕙蘭春已
曉桐栢路猶長祖逖方城鎮安期外氏鄉從來二千石
天子命惟良

餞許州宋司馬云國為休徵選輿因仲舉題山川襄野
隔朋酒灞亭睽零雨征軒驚秋風別驥嘶驪歌一曲罷

愁望正淒淒

慈恩寺九日應制云化塔龍山起中天鳳輦迂綵旒牽
畫剎雜珮冒香萸寶葉擎千座金英漬百盃秋雲廳聖
藻霄極捧連珠

主第夜宴云侯家主第一時新上席華年不惜春珠缸
綴月那知夜玉斚流霞畏底晨

宋主簿鳴皋夢趙六未及報而陳子云亡追為此詩答
宋兼貽平昔遊舊云暮川罕停波朝雲無留色故人琴

與詩可存不可識識心尚可親琴詩非故人鳴臯初夢
趙蜀國已悲陳感化傷淪滅魂交惜未申冥期失幽報
茲理復今晨前嗟成後泣已矣將何及舊感與新悲虛
懷疇昔時趙侯鴻寶氣獨負青雲姿群有含妙識衆象
懸清機雄談盡物變精義解人頤在陰既獨善幽躍自
為疑踈彼千里足傷哉一尉欺陳生富清理卓犖兼文
史思縉巫山雲調逸岷江水鏗鏘哀忠義感激懷知己
負劒登薊門孤遊入燕市浩歌去京國歸守西山趾幽

居探元化立言見千祀埋沒經濟情良圖竟云已坐憶
平生遊十載懷嵩邱題書滿古壁採藥遍巖幽子微化
金鼎僊笙不可求榮哉宋與陸名宦美中州存亡一睽
阻岐路方悠悠自余事山海及茲人世改傳聞當世榮
皆入古人名無復平原賦空餘隣笛聲泣對西州使悲
訪北邙塋新墳蔓宿草舊闕毀殘銘為君成此曲因言
寄友生默語無窮事凋傷共此情

藏用字子潛幽州人初隱終南少室二山中時有意當

世人目為隨駕隱士晚乃徇權利司馬承禎將還山藏
用指終南曰此中大有佳處承禎徐曰以僕視之仕宦
之捷徑耳藏用終黃門侍郎

馬懷素

慈恩寺九日應制云季月啓重陽金輿陟寶坊御旗橫
日道仙塔儼雲庄帝蹕千官從乾詞七耀光顧慙文墨
職無以頌時康

中宗立春游苑應制云玄籥飛灰出洞房青郊迎氣肇

初陽仙輿暫下宜春苑御醴行開薦壽觴映水輕苔猶
隱綠綠堤弱柳未舒黃唯有裁花飾簪鬢相隨聖藻狎
年光

興慶池侍宴應制云積水逶迤繞直城含虛皎鏡有餘
清圖雲曲樹連縵幕映日中塘間綵旌賞洽猶聞簫管
沸歡留更睹木蘭輕無勞海上尋仙客即此蓬萊在帝
京

正月七日宴大明殿云日宇千門平旦開天容萬象列

昭回三陽候節金為勝百福延祥玉作盃就暖風光偏
着柳辭寒雪影半藏梅何幸得參詞賦職自憐終乏馬
卿才

安樂公主山庄云主家臺沼勝平陽帝幸歡樂未央
掩映琬窻交極浦參差繡戶遶迴塘泉聲百處歌傳曲
樹影千重舞對行聖酒一霑何以報唯忻頌德奉時康
望春宮迎春應制云綵仗琬輿俯碧潯行春御氣發皇
心搖風細柳縈馳道映日輕花出禁林遍野園亭開帝

幕連堤草樹狎衣簪謬參西掖霑堯酒願沐南薰解舜琴

送金城公主云帝子今何在重姻適異方離情愴宸掖
引路遶關梁望絕園中柳悲纏陌上桑空餘願黃鶴東
顧憶迴翔

宴安樂公主新宅云鳳樓窈窕凌三襲翠幌玲瓏瞰九
衢複道中宵留宴衍彌令上客想踟躕

餞唐永昌云聞君出宰洛陽隅賓友稱觴餞路衢別後

相思在何處祇應闕下望仙鳧

錢唐州高使君云外牧資賢守斯人奉帝俞淮南膺建
隼渭北暫分符坐歎煙波隔行嗟物候殊何年昇美政
迴看北城隅

錢許州宋司馬云潁川開郡邑角宿分躔野君非仲舉
才誰應題輿者憫憫琴上鶴蕭蕭路傍馬嚴程若可留
別袂希再把

懷素字惟白潤州人師李善武后時為監察御史李邕

秀歛賕諉法懷素劾罷之轉禮部外郎開元初為昭文館學士

薛稷

送金城公主云天道寧殊俗慈仁乃戢兵懷荒寄赤子
忍愛鞠蒼生月下瓊娥去星分寶婺行關山馬上曲相
送不勝情

安樂公主山庄云主家園囿極新規帝郊遊豫奉天儀
歡宴瑤臺鎬京集賞賜銅山蜀道移曲閣交映金精板

飛花亂下珊瑚枝，借問今朝八龍駕。何如昔日望仙池，
望春宮迎春應制云。九春風景足，林泉四野雲霞敞。御
筵花鏤黃山繡，作苑草圖玄灞錦。為川飛觴起醉心，迴
日走馬爭先眼。着鞭喜奉仙遊歸，路遠直言行樂不言
旋。

宴安樂公主新宅云。秦樓宴喜月徘徊，妓筵銀燭滿庭
開。坐中香氣排花出，扇後歌聲逐酒來。

錢唐永昌云。河洛風煙壯市朝，送君飛鳬去漸遙。更思

明年桃李月花紅柳綠宴浮橋

錢許州宋司馬云令弟與名兄高才振兩京別序聞鴻
鴈離章動鵲鴒遠朋追翰墨勝地寫丹青風月相思夜
勞望潁川星

慈恩寺九日應制云寶宮星宿劫香塔鬼神功王遊盛
塵外睿覽出區中日宇開初景天詞掩大風微臣謝時
菊薄綵入芳叢

秋日還京陝西十里作云驅車越陝郊北顧臨大河隔

河見鄉邑秋風水增波西登咸陽途日暮憂思多傳巖
既紆鬱首山亦嵯峨操築無昔老採薇有遺歌客遊既
回換人生能幾何

杜子美云少保有古風
得之陝郊篇謂此作也

稷善書畫畫宗閻立本書師褚河南時稱買褚得薛不
落節

稷字嗣通母魏鄭公女也為中書舍人與從祖兄曜更
踐兩省俱以辭章自名睿宗立自少常數日拜中書侍
郎參知機務歷太子少保以翊贊功恩絕群臣竇懷貞

金史卷之八
卷十
誅稷以知本謀賜死萬年獄

劉允濟

詠琴詩云昔在龍門側誰想鳴鳳時雕琢今為器宮商
不自持巴人緩踈節楚客弄繁絃欲作高張引翻成下
調悲

允濟字允濟河南人少與王勃齊名垂拱四年明堂成
奏賦述功德除著作郎遷鳳閣舍人坐二張昵狎除青
州長史以內憂去官服除召為修文館學士既久斥喜

甚與家人樂飲數日卒

經廬岳迴望江州想洛川有作云龜山帝始營龍門禹
初鑿出入經變化俯仰憑寥郭未若茲山功連延並巫
霍東北䟽艮象西南距坤絡宏阜自鬱盤高標復迴薄
勢入柴桑渚陰開彭蠡壑九江杳無際七澤紛相錯雲
雨散吳會風波騰鄢郢跡隨造化久利與乾坤博盼鑾
精氣通紛綸潛恠錯石渠忽見踐金房安可託地入天
子都巖有仙人藥二門幾迢遞三宮何儵爚咫尺窮杳

冥跬步皆恬漠仙才驚羽翰幽居靜龍蠓明牧振雄詞
棣華殊灼灼盛業匡西夏深謀贊禹亳黃雲覆鼎飛絳
氣橫川躍佐歷符賢運人其茂天爵禮樂富垂髻詩書
成舞勺清輝靖宮電利器騰霜鏐遊聖挹衢樽隣畿恭
木鐸牆仞包武侯波瀾控文若旋聞刈薪楚遽都升葵
藿稷卨郭圖良平公輔略重臣資出守英藩諒求瘼
豫章觀偉材江州訪靈嶠陽岫曉氛氲陰崕暮蕭索潛
伏屢鯨奔雄飛更執鵩搏驚獮透煙霞騰猿亂枝格故園

有歸夢他山飛賞樂帝鄉徒可遊湟溪終旅泊景物觀
淮海雲霄望河洛城闕紫微星圖書玄扈閣神功多粉
績元氣猶斟酌丞相下南宮將軍趨北落橫簪並輝蟬
列鼎俱調鶴四郊時迷路五月先投龠池榭喧瓊管風
花亂珠箔舊遊勞夢寐新知無悅樂天寒欲贈言歲暮
期交約夜琴清玉柱秋灰變縹幕風雲動翰林宮徵調
文簫言泉激為浪思緒飛成繳千里輝珠璣五采含丹
艘鐘鼓旋驚鷗瑾瑜俄抵鵲竊價慙庸怠叨聲逾寂寞

長望限南溟居然翳東郭

此詩為當時推最

李元紘

綠墀怨云征馬噪金珂嫖姚向北河
綠苔行跡少紅粉淚痕多
寶屋粘花絮銀箏覆網羅
別君如昨日青海鴈頻過

相思怨云望月思氛氲
朱衾懶更薰
春生翡翠帳花點石榴裙
鶯語時驚妾鶯啼轉憶君
交河一萬里仍隔數重雲

元絃字大綱京兆人開元中為相務峻崖檢抑奔競夸
進者憚之宋璟曰李公引宋遙之美黜劉冕之貪為國
相家無留儲雖季文之德何以加之

送張說上集賢學士元絃應制得私字云願儒延鳳詔
金馬被鴻私饌玉還丹禁牋花降紫墀御恩傾旨酒鼓
舞詠康時暫纂群書緝逾昭盛業丕接筵欣有命擢管
愧無詞自驚一何幸太陽還及葵

李嶠

三會寺應制云故臺蒼頡里新邑紫泉居歲在開金寺
時來降玉輿龍形雖起剎鳥跡尚留書竹是蒸青外地
仍點墨餘天文光聖草寶思合真如謬奉千齡旦忻陪
十地初

又陪幸臨渭亭詩曰同雲接野煙飛雪暗長天拂樹添
梅色過樓助粉妍光含班女扇韻入楚王絃六出迎仙
藻千箱荅瑞年

送沙門元奘等還荊州詩云三乘歸淨域萬騎餞通莊

就日離亭近，彌天別路長。
荆南旋杖鉢，渭北限津梁。
何日紆真乘，還來入帝鄉。

幸太平公主南庄詩云：主家山第接雲開，天子春遊動地來。
羽騎參差花外轉，霓旌遙颺日邊迴。
還將石溜調琴曲，更取峰霞入酒杯。
鸞輅已辭烏鵲渚，簫聲猶繞鳳凰臺。

送張亶赴朔方應制云：玉塞徵驕子，金符命老臣。
三軍張戍旆，萬乘飾行輪。
猛氣凌玄朔，崇恩降紫宸。
投醪還

得士辭第本忘身露下鷹初擊風高鷹欲賓方銷塞北
侵遂靜漠南塵

薦福寺應制云鴈沼開香域鸚林降綵梅還窺圖鳳宇
更坐躍龍川桂輦朝群辟蘭宮列四禪半空銀閣斷分
砌寶繩連甘雨蘇焦澤慈雲動沛篇獨慙賢作礪空喜
福成田

陪遊苑遇雪云散漫祥雲逐聖迴飄飄瑞雪逸天來不
能落後爭飛絮故欲迎前賽早梅

剪綵花應制云幸聞年欲至剪綵學芳辰綴綠竒能似
裁紅巧逼真花從篋裏發葉向手中春不與時光競何
名天上人

人日清暉閣應制云三陽偏勝節七日最靈辰行慶傳
芳蟻升高綴綵人階前奠候月樓上雪驚春今日銜天
造還疑上漢津

安樂公主山庄云黃金瑞榜絳河隈白玉仙輿紫禁來
碧樹青岑雲外聳朱樓畫閣水前開龍舟下瞰鮫人室

羽節高臨鳳女臺，遽惜歡娛歌吹晚。
揮戈却使耀靈迴，人日大明宮應制。
云鳳城景色已含韶，人日風光倍覺饒。
桂吐半輪迎此夜，蓂開七葉應今朝。
魚猜冰凍行猶澁，鴛喜春驚弄欲嬌。
愧奉登高搖彩翰，欣逢御氣上丹霄。

春日遊苑喜雨詩
園林春正歸入苑，弄芳菲密雨迎仙步。
低雲拂御衣，危花霑易落。
度鳥濕難飛，膏澤登千庾。
歡情遍九圍。

送金城公主云漢帝撫戎臣終言命錦輪還將弄機女
遠嫁織皮人曲怨江山月粧消道路塵所嗟穠李樹空
對小榆春

九日應制云令節三秋晚重陽九日歡仙杯還泛菊寶
饌且調蘭御氣雲霄近乘高宇宙寬今朝萬壽引宜向

曲中彈

得歡
字

正月中宗上清暉閣遇雪嶠賦詩云千鍾聖酒御筵披
六出祥英亂繞枝即此神仙對瓊圃何須轍跡向瑤池

七夕應制云靈匹三秋會仙期七夕過查來人泛海橋
渡鵲填河帝縷昇銀闕天機罷玉梭誰言七襄詠重入
五絃歌

嶠字巨山為兒時夢人遺雙筆自是有文詞十五通五
經二十擢進士第與駱賓王劉光業齊名相中宗其仕
也初與王勃楊盈川接中與崔融蘇味道齊名晚諸人
沒獨為文章宿老一時學者取法焉

嶠汾陰行云君不見昔日西京全盛時汾陰后土帝親

詞齋宮宿寢設厨供撞鐘鳴鼓樹羽旗漢家四葉才且
雄賓延萬靈朝九戎栢梁賦詩高宴罷詔書法駕幸河
東河東太守親掃除奉迎至尊導鑾輿五營將校列容
衛三河縱觀空里閭回旌駐蹕降靈場焚香奠醑邀百
祥金鼎發食正焜煌靈祇煒燁攄景光埋玉陳牲禮神
畢舉麾上馬乘輿出彼汾之曲嘉可游木蘭為楫桂為
舟櫂歌微吟綵鷁浮簫鼓哀鳴白雲秋歡娛宴洽賜群
后家家復除戶牛酒聲明動天樂無有千秋萬歲南山

壽自從天子向秦關玉輦金車不復還珠簾羽蓋長寂
寞鼎湖龍髯安可攀千齡人事一朝空四海為家此路
窮雄豪意氣今何在壇場宮館盡蒿蓬路逢古老長歎
息世事回環不可測昔時青樓對歌舞今日黃埃聚荆
棘山川滿目淚沾衣富貴榮華能幾時不見只今汾水
上惟有年年秋鴈飛天寶末明皇乘春登勤政樓命梨
園弟子歌數闕有唱歌至富貴榮華能幾時以下四句
帝春秋衰邁問誰詩或對李嶠因淒然涕下遽起曰嶠

真才子也及其年幸蜀登白衛嶺覽眺良久又歌是詞
復曰嶠誠才子也高力士以下揮涕久之嶠有三戾性
好榮遷憎人陞進性好文章憎人才華性貪濁憎人受
賂

利州昭化縣之南境與劍門相接
有嶺曰白衛嶺今其名見於此

張亶自朔方入朝中宗於西苑迎之從臣宴于桃花園
嶠歌曰歲去無言忽鷓鴣時來含笑吐氛氲不能擁路
迷仙客故欲開蹊侍聖君趙彥伯曰紅萼競然春苑曉
芊茸新吐御筵開長年願奉西王讌近侍慙無東朔才

又一從臣歌曰源水叢花無數開丹跗紅萼間青梅從
今結子三千歲預喜仙遊復摘來明日宴承慶殿上令
宮女善謳者唱之詞既婉歌仍妙絕樂府號桃花行

皮日休松窓錄云中宗常召宰相蘇瓌李嶠之子進見
時皆童年帝謂曰汝等各以所通書取宜奏吾者言之
瓌應曰木從繩則正后從諫則聖嶠二子亡其名亦奏
曰斯朝涉之脛剖賢人之心帝曰蘇瓌有子李嶠無兒

蘇瓌

九日應制云重陽早露晞
睿賞瞰秋磯菊氣先薰酒
萸香更襲衣清切絲桐會
縱橫文雅飛恩深荅效淺
留醉未宸暉

興慶池侍宴應制云金闕平
明宿霧收瑤池式宴俯清
流瑞鳳飛來隨帝輦祥魚
出戲躍王舟帷齊綠樹當
筵密益轉緬河接岼浮如
臨竊比微臣懼若濟叨陪
聖主遊

瓊宇昌容武功人以正立
朝相中宗睿宗陳當世利
病

甚多

蘇頲

送金城公主云帝女出天津和戎轉罰輪川經斷腸望
地與析支鄰奏曲風嘶馬銜悲月伴人旋知偃兵革長
是漢家親

興慶池應制云降鶴池前迴步輦棲鸞樹杪出行宮山
光積翠遙相逼水態含青近若空直視天河垂象外俯
窺京室畫圖中皇歡未使恩波極日暮樓舡更起風

宴安樂公主新宅云車如流水馬如龍仙史高樓十二
重天上初移衡漢匹樓中歌舞夜相逢

餞唐州高使君云春日奏對時東風搖蕩夕浩然思樂
事翻復餞征客淮水春池清楚山暮雲白勿言行路遠
所貴專城伯

九日應制云并數登高日延齡命賞時宸游天上轉秋
物雨來滋降鶴承仙馭吹花入睿詞微臣復何幸長得

奉恩私

得時字

頴字廷碩幼敏悟一覽至千言初除左司禦率府曹參
軍吏侍馬載曰古稱一日千里蘇生是矣長安中為中
書舍人時瓌同三品父子同在禁苑時人榮之開元中

為相

緯威瓌頴四
世為名宰相

寒食宴於中書舍兄弟宅云子推山上歌龍罷定國門
前結駟來始覩元昆鏘玉至旋聞季子佩刀迴晴花處
處因風起御柳條條向日開自有長筵歡不極還持綵
勝詠南陔

和晦日駕幸昆明池云炎厯事邊陲昆明如鑿池豫遊
光後聖征戰罷前規霽色清珍宇年芳入錦披御杯蘭
薦葉仙仗柳交枝二石分河瀉雙珠代月移微臣此翔
泳恩廣自無涯

瓊初未知顓一日有客詣瓊候於客次顓擁篲庭廡間
遺落一文字客取視之乃詠崑崙奴詩云指如十挺墨
耳似兩張匙異之良久瓊出與客淹留言詠以其詩問
瓊何人豈非足下宗庶之孽也瓊備言其事客驚訝之

請瓊加禮收舉必蘇氏之令子也瓊稍稍親之有人獻
兔懸於廊廡瓊召令詠之曰兔子死蘭彈將來掛竹竿
試將明鏡照無異月中看瓊覽詩異之由是學問日新
文章益代及帝平內難日夕制詔駱驛無非頌之所作
時稱小許公

人日侍宴大明宮應制云疏龍磴道切昭回建鳳旗門
繞帝臺七葉仙萸承月吐千株御柳拂煙開初年競帖
宜春勝長命先浮獻壽杯是日最靈知竊幸群心就捧

大明來

顯幼年有京兆尹過瓌命詠尹字曰丑雖有足甲不全
身見君無口知伊少人

韋嗣立拜中書令瓌署官告顯為之詞薛稷書時謂三
絕

東明觀道士周彥雲欲為其師立碑謂瓌曰成某志不
過煩相君諸子五郎文顯也六郎書詵善七郎致石瓌大
笑口不言而心服其公


長安盛春遊題製詩云飛埃結紅霧遊蓋颺青雲明皇
嘉賞以御花親插其巾上時榮之

望春宮應制云東望望春春可憐更逢晴日柳含煙宮
中下見南山盡城上平臨北斗懸細草偏承新輦處輕
花微落奉觴前宸遊對此歡無極鳥哢聲聲入管絃

扈從明皇出雀鼠谷應制云雨施巡方罷雲從訓俗迴
密途汾水衛清蹕晉郊陪寒著山邊靜春當日下來御
祠元鳥應仙仗綠楊開作頌音傳雅觀文色動台更知

西向樂宸藻協鹽梅

顏詩盡是中宗時作
惟此一篇明皇時作



唐詩紀事卷十

欽定四庫全書

集部

唐詩紀事卷十三

詳校官監察御史臣沈孫璉

主事銜臣徐以坤覆勘

覆校官中書臣呂雲棟

校對官原任典簿臣郭祚熾

謄錄監生臣帥應龍

謄錄貢生臣鄧友樞

欽定四庫全書

唐詩紀事卷十一

宋 計敏夫 撰

韋嗣立

趙彥伯

閻朝隱

鄭愔

沈佺期

宋之問

徐堅

盧懷慎

武平一

李行言

韋元旦

韋嗣立

九日應制云層觀遠沉沉鸞旗九日臨帷宮壓水岍步
輦入煙岑枝上萸新採樽中菊始斟願陪歡樂事長與

歲時深

得深字

嗣立在省閣與岳州張使君說潭州王都督熊同官聯
事後承朝譴各東西相別詩云茂先王佐才作牧楚江
隈登樓正欲賦復遇仲宣來黃鵠飛將遠雕龍文為開
寧知昔聯事聽曲有餘哀

昔時陪二賢纓冕會神仙一去馳江海相逢共播遷無
因千里駕忽覩四愁篇覽諷歡何已歡終徒愴然

嗣立中宗時為大學士制云詞林佇秀學海資英苟非

鴻儒孰副推擇守大府卿韋嗣立金籙襲慶玉鼎生才
浴德澡身居中履孝保淳懿之道綜虛明之識前言往
行獨運襟靈健筆通文孤標望實果升臺閣常典樞機
誠亮險夷政敷匡益自出入中外周旋宦遊夕郎歸其
峻寵冬卿美其成務官曹內殿朝野旁求宜叅右署之
榮俾接金閨之彥可修文館大學士兄承慶長壽中與
嗣立相代為鳳閣舍人長安三年承慶代嗣立為鳳閣
侍郎頃之又代為黃門侍郎四職相代時謂大郎罷相

二郎拜相中宗授嗣立黃門侍郎制曰芝蘭並秀見謝
石之階庭騏驥並驅有劉山之昆季又曰近者命於鸞
渚已擢鴈行纔出芝局奄歸蒿里永言荆樹坐折連枝
眷彼常山空餘一鳥俾遷榮於阜蓋宜襲寵於黃樞

嗣立莊在驪山鸚鵡谷中宗幸之嗣立獻食百輦及木
器藤盤等物上封為逍遙公谷為逍遙谷原為逍遙原
中宗留詩從臣屬和嗣立並鐫于石請張說為之序薛
稷書之李乂詩略云樞掖調梅暇林園種槿初入朝榮

劒履退食樂琴書地隱東巖石天迴北斗車旌門臨舜
窾輦路屬扶疎沈佺期詩畧云水堂開禹膳山閣獻堯
鍾皇鑒清居遠天文膚獎濃武平一云三光迴斗極萬
騎肅鈎陳地若遊汾水畋疑獵渭濱趙彥昭云廊廟心
存巖壑中鑾輿矚在灞城東逍遙自有蒙莊子漢主徒
言河上公張說序亦云嵐氣入野榛煙出谷魚潭竹岨
松齋藥畹虹泉電射雲木虛吟恍惚疑夢間闕忘術茲
所謂邱壑道政衣冠巢許也

開元中嗣立自湯井還都經其龍門北溪別業忽懷驪
山之勝嘗有詩云幽谷杜陵邊風煙別幾年偶來伊水
曲溪嶂覺依然傍浦憐芳木尋嵯愛淶泉嶺雲隨馬足
山鳥向人前地合心俱靜言因理自玄短才叨重寄尸
祿媿妨賢每揖掛冠侶思從初服旋稻梁仍欲報歲月
坐空捐助岳無纖芥輸渙謝末涓還晤北轅失方茲南
澗田時張說崔泰之崔日知在東都皆和焉先一日太
平公主上官昭容題詩數篇故張說詩云舞鳳迎公主

雕龍賦婕妤

趙彥伯

九日應制云九日報仙家三秋轉翠華呼鷹下鳥路戲
馬出龍沙簪桂丹萸藥杯涵紫菊花所願同微物年年

共辟邪

得花字

張亶來自朔方軍中宗迓之宴于桃花園應制曰紅萼
競燃春苑曙竿茸新色御筵開長年願奉西王讌近侍
慙無東朔才

卷十一
彦伯為洪文館學士

閻朝隱

送金城公主甥舅重親地君臣厚義鄉還將貴公主嫁
與耨檀王鹵簿山川闊胡琴道路長迴瞻父母國日出
在東方

人日大明宮應制云句芒人面乘兩龍道是春神衛九
重綵勝年年逢七日醺醺歲歲滿千鍾宮梅間雪祥光
徧城柳含煙瑞氣濃醉倒君前情未盡願因歌舞自為

容

宴安樂公主新宅云鳳凰鳴舞樂昌年蠟燭開花夜管絃半醉徐擊珊瑚樹已聞鐘漏曉聲傳

鸚鵡猫兒云鸚鵡惠鳥也猫不仁獸也飛翔其背焉嚙啄其頤焉攀之緣之蹈之履之弄之藉之踰踰然此為自得彼亦以為自得畏者無所起其畏忍者無所行其忍抑血屬舊故之不若臣叨踐太子舍人朝暮侍從預見其事聖上方以禮樂文章為功業朝野歡娛強梁充

斥之輩願為臣妾稽顙闕下者日萬計尋而天下一統
實以為惠可以伏不惠仁可以伏不仁亦太平非常之
明證事恐久遠風雅所缺再拜稽首為之篇

霹靂引豐隆鳴猛獸噫氣蛇吼聲鸚鵡鳥同資造化兮
殊粹精鸛鵲毛翡翠翼鵠雛延頸鵠鷄弄色鸚鵡鳥同
稟陰陽兮異埏埴彼何為兮隱隱振振此何為兮綠衣
翠襟彼何為兮窘窘蠢蠢此何為兮好貌好音彷彿兮
佯佯似妖姬躡步兮動羅裳趨趨兮踟躕若處子迴眸

兮登玉堂爰有獸也安其忍背其脇距其胸與之放曠
浪浪兮從從容容鈎爪踞牙也宵行晝伏無以當遇之
兮忘味搏擊騰擲也朝飛暮噪無以拒逢之兮屏氣由
是言之貪殘薄則智慧作貪殘臨之兮不復躍由是言
之智慧周則貪殘囚智慧犯之兮不復憂菲形陋質雖
賤微皇王顧遇長光輝離宮別館臨朝市妙舞繁絃雜
宮徵嘉喜堂前景福內和歡殿上明光裏雲母屏風文
彩合流蘇斗帳香煙起承恩宴盼接宴喜高視七頭金

駱駝平懷五尺銅師子國有君兮國有臣君為主兮臣
為賓朝有賢兮朝有德賢為君兮德為飾千年萬歲兮
心轉憶

九日應制云九九侍神仙高高坐半天文章二曜動氣
色五星連簪紱趨皇極笙歌接御筵願因茱菊酒相守

百千年

得筵
字

中宗立春遊苑應制云管籥周移褰極裏乘輿望幸斗
城闌草根未結青絲縷蘿蕙猶垂綠帔巾鵲入巢中言

改歲燕銜書上道宜新願得長繩繫取日光臨天子萬年春

送唐永昌赴東都詩曰洛陽難理若棼絲推破連環定不疑鸚鵡鳥道長安樂回首一顧一相思

授著作郎直學士制云朝隱夜光成寶朝陽擢秀文高一變藝摠三端承顧問於鸞掖賞圖書於麟府頃屬播遷獲返班序方來石室分曹已叅於著述金門直事俾崇於伸獎可修文館直學士

朝隱字友倩趙州樂城人性滑稽屬辭奇詭為武后所賞景龍時為著作郎先天中為秘書少監坐事貶通州別駕卒

鄭愔

上幸薦福寺令賦詩云舊邸三乘闕佳辰萬騎留蘭圖奉葉偈芝蓋拂花樓國會人王法宮還天帝遊紫雲成寶界白水作禪流鴈塔昌基遠鸚杯睿藻抽忻承大風曲竊預小童謳

三會寺應制詩云鳥籀遺新閣龍旗訪古臺造書臣頡
往觀跡帝羲來睿覽山川匝宸心宇宙該梵音隨駐輦
天步接乘杯舊苑經寒露殘池問劫灰散花將捧日俱
喜聖詞開

陪幸昭容院獻詩四首

地軸樓居遠天台闕路賒何如遊帝宅即此對僊家座
拂金壺電池搖玉酒霞無云秦漢隔別訪武陵花

堯茨姑射近漢苑建章連十五冀知月三千桃紀年鶯

歌隨鳳吹鶴舞向鵲絃更覓瓊妃伴來過玉女泉

宮掖賢才重山林高士難不言辭輦地更有結廬歡池
棟清溫燠熾窻起迓寒幽亭有仙桂聖主萬春看

槎流天上轉茅宇禁中開河鵲填橋至山熊避檻來庭
花採萊萼巖石步莓苔願奉蘿圖泰長聞錦翰裁

陪幸長寧公主庄云公門襲漢環主第稱秦玉池架祥
鱣宇山吹鳴鳳曲拂席辟蘿垂迴舟芰荷觸平陽妙舞
處日暮清歌續

望春宮迎春應制云晨蹕凌高轉翠旌春樓望遠背朱
城忽排花上遊天苑却坐雲邊看帝京百草香心初冒
蝶千林嫩葉始藏鶯幸同微藿傾誠早願比盤根應候
榮

送金城公主云下嫁戎庭遠和親漢禮優笳聲出虜塞
簫曲比秦樓貴主悲黃鶴征人怨紫騮皇情眷億兆割
念俯懷柔

早朝云瑞闕龍居峻宸庭鳳掖深才良寄天綽趨拜侶

朝簪飛鳥看來影
喧車識駐音
重軒輕霧入洞戶
落花侵聞有題新
翰依然想舊林
同聲慙卞玉
謬比托韋金
塞外三篇

塞外蕭條望征人
北路賒邊聲
亂朔馬秋色引胡笳
遙嶂侵歸日
長城帶晚霞
斷蓬飛古戍
連雁聚寒沙
海暗雲無葉
山春雪作花
丈夫期報主
萬里獨辭家

荒壘三秋夕
窮郊萬里平
海陰疑獨樹
日氣下連營
戎旆霜疑重
邊裘夜更輕
將軍猶轉戰
都尉不成名
折柳

悲春曲吹笳斷夜聲明年漢使返須築受降城

陽鳥南飛夜陰山北地寒漢家征戍客年歲在樓蘭玉
關朔風起金河秋月團邊聲入鼓吹霜氣下旌竿海外
歸書斷天涯旅鬢殘子卿猶奉使常向節旄看

惜字文靖年十七進士擢第神龍中為中書舍人與崔
日用趙履溫李愔等託武三思權熏炙中外天下語曰
崔冉鄭亂時政

冉祖雍也

或曰初附來俊臣俊臣誅附易之

易之誅託韋庶人後附譙王卒被戮

人日侍宴大明宮云瓊殿含光映皁輪玉鑾初蹕望初
晨池開凍水仙宮麗樹發寒花禁苑新佳氣徘徊籠細
網殘雲浙漚染輕塵良時荷澤皆迎勝窮谷晞陽猶未
春

哭郎著作云詩禮康成學文章賈誼才已年人得夢庚
日鳥為災書草藏天閣琴聲入夜臺荒階羅駁蘚雲座
滿塵埃白馬賓從散青鳥隴隧開悲涼門館下懷舊幾
遲迴

秋閨詩云征客向輪臺幽閨寂不開音書秋雁斷機杼
夜蛩催虛幌風吹葉開堦露染苔自憐愁思影常共月
徘徊

唐永徽以來唱桑條歌云桑條韋也女韋也神龍時逆
韋應之惜作桑條樂詞十首以進擢吏侍

惜樂府採蓮曲云錦楫沙棠艫羅帶石榴裙綠潭採荷
芰清香日稍曛魚鳥爭唼喋花葉相芬氲不覺湘州暮
菱歌處處聞

胡笳曲云漢將留邊朔遙遙歲序深誰堪牧馬思正是
胡笳吟曲斷江山月聲悲雨雪陰傳書向蘇武陵也獨
何心

折楊柳云青柳映紅顏黃雲蔽紫關忽聞邊使出枝葉
為君攀舞腰愁欲斷春心望不還風花滾成雪羅綺亂
班班

夜遊曲云漢室歡娛盛魏國文雅道許史多暮宿應陳
從夜遊西園燕公子北里召王侯詎似將軍獵空嗟亭

尉留

年少行云潁川豪橫客咸陽輕薄兒田實方貴幸趙李
新相知軒蓋終朝集笙竽此夜吹黃金盈篋筍白日忽
西馳

沈佺期

幸太平公主南庄詩云主第山門起灞川宸遊風景入
初年鳳凰樓下交天仗烏鵲橋頭敞御筵往往花間逢
綵石時時竹裏見紅泉今朝扈蹕平陽館不羨乘槎雲

漢邊

九日臨渭亭云御氣幸金方憑高薦羽觴魏文班菊藥
漢武賜萸房秋美銅池色晴添銀樹光年年重九慶日
月奉天長

陪幸韋嗣立庄云台階好赤松別業對青峰節室承三
顧花源接九重虹旗縈秀木鳳輦拂疎筇逕直千官擁
溪長萬騎容水堂開禹膳山閣獻堯鍾皇鑑清居遠天
文睿獎濃巖泉他夕夢漁釣往年逢共榮丞相府偏降

逸人封

白鹿觀應制云紫鳳真人府斑龍太上家天流芝蓋下
山轉桂旌斜聖藻垂寒露仙杯落晚霞唯應問王母桃
作幾時花

上已陪駕渭濱云寶馬香車清渭濱紅桃碧柳禊堂春
皇情尚憶垂竿佐天瑞先呈捧劍人

陪幸五王宅云北闕垂旒暇南宮聽履迴天臨翔鳳轉
恩向躍龍開蘭氣承僊帳榴花引御杯日從金穴吐雲

是玉衣來池影搖歌席林香散舞臺不知行漏晚清蹕
尚徘徊

安樂公主庄云皇家貴主學神仙別業初開雲漢邊山
出盡如鳴鳳嶺池成不讓飲龍川粧樓翠幌教春住舞
閣金鋪借日懸敬從乘輿來此地稱觴獻壽樂鈞天
入日大明宮應制云拂旦雞鳴仙衛陳憑高龍首帝庭
春千官黼帳杯前壽百福香奩勝裏人山鳥初來猶怯
嚙林花未發已偷新天文正應韶光轉設報懸知用此

辰

望春宮迎春應制云芳郊綠野散春晴
複道離宮煙霧生
楊柳千條花欲綻
蒲桃百丈蔓初縈
林香酒氣元相入
鳥嘯歌聲各自成
定是風光牽宿醉
來晨復得幸昆明

晦日漚水應制云素漚接宸居
青門盛袂除摘蘭
喧鳳野浮藻溢龍渠
苑蝶飛殊懶
宮鸞嘯不踈
星移天上入歌舞向儲胥

送金城公主云金榜扶丹掖銀河屬紫閣那堪將鳳女
還以嫁烏孫玉就歌中怨珠辭掌上恩西戎非我匹明
主至公存

餞唐永昌云洛陽舊有神明宰輦轂由來天地中餘邑
政成何足貴因君取則四方同

早朝云閭闔連雲起巖廊拂霧開玉珂龍影度珠履雁
行來長樂宵鐘盡明光曉奏催一經推舊德五字擢英
才儼若神仙去紛從霄漢迴千春奉休歷分禁喜趨陪

曝衣篇云君不見昔日宜春太液邊披香畫閣與天連
燈華灼爍九微映香氣氤氲百和燃此夜星繁河正白
人傳織女牽牛客宮中擾擾曝衣樓天上娥娥紅粉席
曝衣何許曛半黃宮中綵女提玉箱珠履奔騰上蘭砌
金閨宛轉出梅梁絳河裏碧煙上雙花伏兔畫屏風四
子盤龍擎斗帳舒羅散縠雲霧開綴玉垂珠星漢迴朝
霞散綵羞衣架曉月分光劣鏡臺上有仙人長命錦中
有玉女迎歡繡玳瑁筵中別作春珊瑚窻裏翻成畫椒

房金屋寵新流意氣驕奢不自由漢文宜惜露臺產晉
武須燒前殿裘

和晦日駕幸昆明池云法駕乘春轉神池象漢迴雙星
移舊石孤月隱殘灰戰鷁逢時去恩魚望幸來岍花緹
騎遶堤柳慢城開思逸橫汾唱歡流宴鎬杯微臣凋朽
質羞覩豫章材

白鹿觀應制云四郊秦漢國八水帝王都閭閻雄里閭
宮闕壯規模貫渭稱天邑含岐實奧區金門披玉館因

此識皇圖

主第夜宴云濯龍門外主家親鳴鳳樓中天上人自有
金杯迎甲夜還將綺席發陽春

張燕公說嘗謂佺期曰沈三兄詩須還他第一佺期字
雲卿相州人除給事中考功郎受賊劾未究會張易之
敗遂長流驪州稍遷台州錄事叅軍入計召見拜起居
郎兼修文直學士侍宴為弄辭悅帝賜牙緋尋為太子

詹事開元初卒

佺期迴波樂詞云迴波爾時佺期流向
嶺外生歸身名已蒙齒錄袍笏未復牙

緋

魏建安後訖江左詩律屢變至沈約庾信以音韻相婉
附屬對精密及宋之問沈佺期又加靡麗回忌聲病約
句準篇如錦綉成文學者宗之號為沈宋語曰蘇李居
前沈宋比肩謂蘇武李陵也

酬蘇味道夏晚省中云並命登仙閣分宵直禮闈大官
供宿膳侍史護朝衣卷幔天河入開牕月露微小池殘
暑退高樹早涼歸冠劍無時釋軒車待漏飛明朝題漢

柱三署有光輝

和楊再思春夜宿直云西禁青春滿南端皓月微千廬
宵駕合五夜曉鐘稀星斗橫綸閣天河度瑣闥煙花章
奏裏紛向夕郎飛

和崔正諫登秋日早朝云雞鳴朝謁滿露白禁門秋爽
氣臨旌戟朝光映冕旒河宗來獻寶天子命焚裘獨負
津陽議言從建禮遊

巫山高云巫山高不極合沓狀奇新暗谷疑風雨陰崖

若鬼神月明三峽曙潮滿九江春為問陽臺客應知入
夢人此詩范攄以為佺期之作而顧陶以為張循今記
於此

宋之問

芙蓉園應制云芙蓉秦地沼盧橘漢家園谷轉斜盤徑
江迴曲抱源風來花自舞春入鳥能言侍宴瑤池夕歸
途笳吹繁

三會寺應制云六飛迴玉輦雙樹謁金仙瑞鳥呈書字

神龍吐浴泉淨心遙證果
睿想獨超禪塔湧香花地
山圍日月天梵音迎雨徹
空樂倚雲懸今日登仁壽長
看法鏡圓

薦福寺應制云梵筵光聖
邸遊豫覽宏規不改靈光
殿因開功德池蓮生新步
葉桂長昔攀枝湧塔庭中
見飛樓海上移聞韶三月
幸觀象七星危欲識龍歸
處朝來雲氣隨

陪遊苑遇雪云紫禁仙輿
詰旦來青旗遙倚望春臺
不

知庭霽今朝落疑是林花昨夜開

餞許州宋司馬云潁郡水東流荀陳兄弟遊偏傷茲日
遠獨向聚星州河潤在明德人康非外求當聞力為政
遙慰我心愁

謁禹廟云夏王乘四載茲地發金符駿命終不易報功
疇敢渝先驅摠昌會後至伏靈誅玉帛空天下衣冠照
海隅旋聞厭黃屋更道出蒼梧林表祠轉茂山阿井詎
枯舟遷龍負壑田變鳥芸蕪舊物森如在天威肅未殊

玄夷屆瑤席玉女侍青都奕奕局闐遽軒軒仗衛趨氣
青連曙海雲白洗春湖猿嘯有時合禽言長自呼靈歆
異蒸糝至樂匪笙竽茅殿今文襲梅梁古製無運遙日
宗麗業盛荅昭蘇伊昔力云盡而今功尚敷揆才非美
箭精享愧生芻郡職昧為理邦空寧自誣下車霰已積
攝事露行濡人隱冀多祐曷惟霑薄軀

詠海云肅事祠春溟宵齋洗蒙慮雞鳴見日出鷺下觀
濤驚地闊八荒近天迴百川澍筵端接空曲目外惟雱

霧暖氣物象來周遊晦明互致腥匪玄享禋滌期靈煦
的的波際禽云云島間樹安期今何在方丈茂尋路仙
事與世隔冥搜徒已屢四明背羣山遺老莫辨處內撫
良自慨弱齡忝恩遇三入文史林兩拜神仙署雖歎出
關遠始知臨海趣賞來空自多理勝孰能喻留楫竟何
待徙倚歲云暮

浣紗篇贈陸上人云越女顏如花越王聞浣紗國微不
自寵獻作吳宮娃山藪半潛匿苧羅更蒙遮一行霸勾

踐再笑傾夫差艷色奪人目效顰亦相誇一朝還舊都
靚粧尋若耶林鳥驚入松網魚畏沈花始覺冶容妄方
悟君心邪欽子秉幽意世人共稱嗟願言託君懷儻類
蓬生麻家住雷門曲閣高陵飛霞淋漓翠羽帳旖旎綠
雲車春風艷楚舞秋月綿胡笳自昔專嬌愛翫襲惟矜
奢達本知空寂棄彼猶泥沙永割偏執性自長薰修牙
攜妾不障道願止妾西家

中宗幸薦福寺獻詩云香刹中天起宸遊滿路輝乘龍

太子去駕象法王歸殿飾金人影牕搖玉女扉稍迷新
草木遍識舊庭闌水入禪心定雲從寶思飛欲知星劫
遠初拂六銖衣

立春日侍宴內殿出翦綵花詩云金閣裝新杏瓊筵弄
綺梅人間都未識天上忽先開蝶繞香絲住蜂憐艷粉
回今年春色早應為剪刀催

陪幸公主南庄詩云青門路接鳳凰臺素漉宸遊龍騎
來澗草自迎香輦合巖花應對御筵開文移北斗成天

象酒近南山作壽杯此日侍臣將石去共歡明主賜金

迴

之問薦福寺昆明池
及此作都為冠首

明河篇云八月涼風天氣晶萬里無雲河漢明昏見南
樓清且淺曉落西山縱復橫洛陽城闕天中起長河夜
夜千門裏複道連甍共蔽虧畫堂瓊戶特相宜雲母帳
前初汜濫水精簾外轉逶迤倬彼昭回如練白復出東
城接南陌南陌征人去不歸誰家今夜擣寒衣鴛鴦機
上疎螢度烏鵲橋邊一鴈飛鴈飛螢度愁難歇坐見明

河漸微沒已能舒卷任浮雲不惜光輝讓流月明河可望不可親願得乘槎一問津更將織女支機石還訪成都賣卜人蓋之問求為北門學士天后不許故此篇有乘槎訪卜之語后見其詩謂崔融曰吾非不知其才但以其有口過爾之問終身耻之

口過
齒疾

武后遊龍門命羣官賦詩先成者賜以錦袍左史東方虬詩成拜賜坐未安之問詩後成文理蕪美左右莫不稱善乃就奪錦袍衣之其詞曰宿雨霽氛埃流雲度城

關河堤柳新翠苑樹花初發洛陽花柳此時濃山水樓
臺映幾重羣公拂霧朝翔鳳天子乘春幸鑿龍鑿龍近
出王城外羽從琳琅擁軒蓋雲蹕纔臨御水橋天衣已
入香山會山壁嶄巖斷復連清流澄澈俯伊川塔影遙
遙綠波上星龕奕奕翠微邊層巒舊長千尋木春壑初
飛百丈泉綵仗蜺旌遶香閣下輦登高望河洛東城宮
闕擬昭回南陌溝塍殊綺錯林下天香七寶臺山中春
酒萬年盃微風一起祥花落仙樂初鳴瑞鳥來鳥來花

落紛無已稱觴獻壽煙霞裏歌舞淹留景欲斜石間猶
駐五雲車鳥旗翼翼留芳草龍騎駸駸映晚花千乘萬
騎鑾輿出水靜山空嚴警蹕郊外喧喧引看人傾城南
望屬車塵囂聲引颺聞黃道王氣周迴入紫宸先王定
鼎三河固寶命乘周萬物新吾皇不事瑤池樂時雨來
觀農扈春

詠省壁畫鶴詩云粉壁圖仙鶴昂藏真氣多騫飛竟不
去當是戀恩波

韋善心為郎中善剖決之問善詩時謂戶部二妙之問
字延清汾州人與佺期允濟嬖附易之及敗貶瀧州參
軍事逃歸復附三思景龍中諂事太平公主安樂公主
權盛復往諧結太平深嫉之中宗將用為中書舍人太
平發其賊下遷越州長史賦詩流傳京師睿宗立以獐
險盈惡詔流欽州賜死

徐堅

送金城公主云星漢下天孫車服降殊藩匣中詞易切

馬上曲虛繁關塞移朱帳風塵照錦軒
簫聲去日遠萬里望河源

餞許州宋司馬云舊許星車轉神京
祖帳開斷煙傷別望零雨送離盃
辭鷺依空遶賓鴻入聽哀分携與秋氣
日夕共徘徊

餞唐永昌赴任東都云郎官出宰赴伊瀍
征傳駸駸灞水前此時悵望新豐道
攜手相看共黯然

餞考功武員外學士使嵩山置舍利塔
詩云伊川別騎

灞岬分筵對三春之花月覽千里之風煙望青山兮分
地見白雲兮在天寄愁心於樽酒愴離緒於清絃共握
手而相顧各啣悽而黯然

已上中
宗時作

堅字元固西臺舍人齊暉之子屬文典厚楊再思每目
為鳳閣舍人樣中宗時為給事中明皇改麗正書院為
集賢院以堅充學士不為章句之學而窮覽洽聞綿歷
四朝以謹厚稱

送張說巡邊應制云至德撫遐荒神兵赴朔方帝思元

帥重爰擇股肱良累相承安世深籌協子房寄崇專斧
鉞禮備設壇場鼙鼓喧雷電戈劒凜風霜四騏將戒道
十乘啟先行聖錫加常錫天光曜寵光出郊開帳飲寅
餞盛離章雨濯梅林潤風清麥野涼燕山應勒頌麟閣
佇名揚

堅卒張說挽歌云才美臨淄北名高淮海東羽儀三省
遍漁獵五車通玉殿孤新榜珠英落舊叢徒存一寶劒
何處訪徐公

盧懷慎

九日應制云時和素秋節宸豫紫機關鶴似聞琴至人
疑宴鎬還曠望對平野潺湲俯暝灣無因酬大德空此

媿崇班

得還字

懷慎靈昌人開元初與姚崇同相時譏為伴食然能清
儉以直道始終

武平一

駕幸溫泉詩云秦王登碣石周后襲崑崙何必在遐遠

方稱萬寓尊我皇順時豫星駕動軒轅雄騎交馳道清
笳度國門迴輿長樂觀校獵上林園行漏移三象連營
揔八屯旌搖鸚鵡谷騎轉鳳凰原絕壁蒼苔古靈泉碧
溜溫參差開水殿竊窬敞巖垣豐邑蹤猶在驪宮跡尚
存煙松銜翠幄雪逕遶花源侍從推玄草文章召虎賁
深仁浹夷夏洪造溢乾坤謬忝王枚列多慙雨露恩
景龍四年正旦賦柏樹詩云綠葉迎春綠寒枝歷歲寒
願將百葉壽長奉萬年歡

興慶池云鑾輿羽駕直城隈帳殿旌門此地開皎潔靈
潭圖日月參差畫舸結樓臺波搖岸影隨撓轉風送荷
香逐酒來願奉皇惟常不極長遊雲漢幾昭回

白鹿觀應制云玉府凌二曜金壇駐六龍綵旒懸倒景
羽蓋偃喬松元圃靈芝秀華池瑞液濃謬因霄舜渥長
願奉堯封

送金城公主云廣化三邊靜通姻四海安還將膝下愛
特副域中歡聖念飛玄藻仙儀下白蘭日斜征蓋沒歸

金
卷十一
騎動鳴鸞

宴安樂公主新宅云王孫帝女下仙臺金榜珠簾日夜
開遽惜瓊筵惟正洽唯愁銀箭曉相催

錢唐永昌云聞君墨綬出丹墀霞舄飛來佇有期寄謝
銅街攀柳日無忘粉署握蘭時

正月八日立春內出綵花賜近臣應制云鑾輅青旂下
帝臺東郊上苑望春來黃鶯未解林間囀紅藥先從殿
裏開畫閣條風初變柳銀塘曲水半含苔欣逢睿藻光

韶律更促霞觴畏景催是日中宗手勅批云平一年雖
寂少文甚警新悅紅藥之先開訝黃鶯之未轉循環吟
咀賞歎兼懷今更賜花一枝以彰其美所賜學士花並
令插在頭上後所賜者平一左右交插因舞蹈拜謝時
崔日用乘酣飲欲奪平一所賜花上於簾下見之謂平
一曰日用何為奪卿花平一跪奏曰讀書萬卷從日用
滿口虛張賜花一枝學平一終身不獲上及侍臣大笑
因更賜酒一盃當時嘆美

中宗宴安樂公主新宅應制云紫漢秦樓敞黃山魯館
開簪裾分上席歌舞列平臺馬既如龍至人疑學鳳來
幸忻聯棣萼何以接鄰枚

人日西臺觀打毬應制云令節重遨遊分鑣戲綵毬
驄迴上苑躑躅繞通溝影就紅塵沒光隨赭汗流賞闌
清景暮歌舞樂時休

平一名甄以字行武后時畏禍隱嵩山中宗雖宴豫嘗
因詩規誡然不能卓然自引去明皇時終亦被謫雖謫

而名不衰

李行言

秋晚度廢闕云秦郊平舊險周德眷遺黎始聞清夜析
俄見落封泥物色來無限津途去不迷空亭誰問馬閑
戍但鳴雞山月寒彌淨河風曉更淒贈言楊伯起非復
是關西

景龍中中宗引近臣宴集令各獻伎為樂張錫為談容
娘舞宗晉卿舞渾脫張洽舞黃顰杜元琰誦婆羅門呪

行言唱駕車西河盧藏用効道士上章國子司業郭山
輝請誦古詩兩篇誦鹿鳴蟋蟀未畢李嶠以詩有好樂
無荒之語止之行言隴西人兼文學幹事函谷關詩為
時所許中宗時為給事中能唱步虛歌帝七月七日御
兩儀殿會宴帝命為之行言於御前長跪作三洞道士
音詞歌數曲貌偉聲暢上頻嘆美

韋元旦

正月七日宴大明殿詩云鸞鳳旌旂拂曉陳魚龍角觝

大明辰青韶既肇人為日綺勝初成日作人聖藻凌雲
裁栢賦仙歌從宴摘梅春垂旒一慶宜年酒朝野俱歡
薦壽新

安樂公主山庄云銀河南渚帝城隅帝輦平明出九衢
刻鳳蟠螭凌桂邸穿池疊石寫蓬壺瓊簫暫下鈞天樂
綺綴長懸明月珠仙牓承恩爭既醉方知朝野更歡娛
望春宮迎春應制云九重樓閣半山霞四望韶陽春未
賒侍蹕妍歌游灞浹留觴罷舞出京華危萍競捧中街

日戲馬爭街上苑花景色歡娛長若此承恩不醉不還家

送金城公主云柔遠安夷俗和親重漢年軍容旌節送國命錦車傳琴曲悲千里簫聲戀九天唯應西海月來就掌珠圓

餞唐州高使君云桐柏膺新命芝蘭惜舊遊鳴臯夜鶴在遷木早鸞求傳擁淮源路罇空灞水流落花分送遠春色別離憂

早朝云霞維芳月季宸極衆星尊佩玉朝三陛鳴珂過
九門挈壺分早漏伏檻耀初暎北倚蒼龍闕西臨紫鳳
垣詞庭草雖視溫室樹無言鱗翰空為忝長懷聖主恩
中宗立春遊苑應制云灞浹長安常近日殷正臘月早
迎新池魚戲葉仍含凍宮女裁花已作春向苑雲疑承
翠幄入林風若起青蘋年年斗柄東無限願把瓊觴壽
北辰

中宗時興慶池侍宴應制云滄池潋沔帝城邊殊勝昆

明鑿漢年夾岼旌旗疏遠道中流簫鼓振樓船雲峰四
起迎宸幄寶樹千重入御筵宴樂已深魚鳥詠承恩更
欲奏甘泉

主第夜宴云主第新成銀作榜賓筵廣宴玉為樓壺觴
既卜仙人夜歌舞疑停織女秋

元旦京兆萬年人與張易之姻屬易之罷貶感義尉舅
陸頌妻韋后弟也元旦憑以復進終中書舍人

唐詩紀事卷十一

欽定四庫全書

唐詩紀事卷十二

宋 計敏夫 撰

畢乾泰

辛替否

王景

韋安石

竇希玠

李咸

陸景初

鄭南金

于經野

解琬

麴瞻

樊忱

孫佺

李從遠

周利用

楊廩

張景源

李恒

已上景龍
應制羣臣

畢乾泰

慈恩寺九日應制云鸚鵡林花塔啟鳳輦順時遊重九昭
皇慶大千揚帝休耆閣妙法闡王舍睿文流至德覃無
極小臣歌詎訓

辛替否

慈恩寺九日應制云洪慈均動植至德俯深玄出豫從
初地登高適梵天白雲飛御藻慧日暖皇編別有秋原
藿長傾雨露緣

替否字協時京兆人景龍中為左拾遺以直諫遷右臺

殿中侍御史為憲司彈擊不避強禦累遷潁王府長史
卒

王景

慈恩寺九日應制云玉輦移中禁珠梯覽四禪重階清
漢接飛竇紫霄懸綴葉披天藻吹花散御筵無因鑾蹕
暇俱舞鶴林前

景太原人為司門員外郎萊州刺史子之咸為長安尉
昆弟之貴之渙皆善屬文之咸之子緯有傳

韋安石

九日侍宴應制云重九開秋節得一動宸儀金風飄菊
藥玉露泫萸枝睿覽八紘外天文七曜披臨深應在即

居高豈忘危

得枝
字

安石京兆人久視中為相二張三思橫寵安石數折辱
之復相中宗不附太平公主睿宗時為姜晦所劾貶黜
發憤卒

竇希玠

九日應制云鑾輿巡上苑鳳駕瞰層城御座丹烏麗宸
居白鶴驚玉旗縈桂葉金杯汎菊英九晨陪聖膳萬歲

奉承明

得明字

八月中宗令學士尋勝同宴於禮部尚書竇希玠林亭
張說製序云召絲竹於伶官借池亭於貴族雕俎在席
金羈駐門遠山片雲隔層城而即興繁鸞芳樹遶高臺
而共樂

夏日帝幸五王第乃過希玠宅劉憲詩云北斗樞機任

西京肺腑親李又詩云貴遊開北第宸眷幸西鄉按希
玠武德時內史令威之後中宗時為禮書以恩澤賜實
封開元為太子少傅世為外戚唐世貴盛莫與為比

李咸

九日應制云重陽乘令序四野開晴色日月數初并乾
坤聖登極菊黃迎酒泛松翠凌霜直遊海難為深負山

徒倦力

得直
字

陸景初

九日應制云九秋光順豫重節霽良辰登高識漢苑問
道侍軒臣菊花浮秬鬯萸房插縉紳聖化邊陲謐長洲

鴻鴈賓

得臣
字

景初元初之子恬靜寡欲議論高簡景雲中與崔湜同
知政事睿宗曰子能紹先業是謂象賢乃賜名象先

鄭南金

九日應制云重陽玉律應萬乘金輿出風起韻虞絃雲
開吐堯日菊花浮聖酒茱萸香挂衰質欲知恩煦多順動

觀秋實

得日字

于經野

九日應制云御氣三秋節登高九曲門桂筵羅玉俎菊醴溢芳樽遵渚歸鴻度承雲舞鶴騫微臣濫陪賞空荷

聖明恩

得樽字

經野中宗時為戶部尚書

中宗九日登高應制二十四人韋安石蘇瓌詩先成于經野及盧懷慎詩後成時景龍三年也

解琬

慈恩寺九日登塔應制云瑞塔臨初地金輿幸上方空
邊有清淨覺處無馨香雨霽微塵斂風秋定水涼茲辰
採仙菊薦壽慶重陽

晦日宴高氏林亭云主第簪裾出王畿春照華山亭一
以眺城闕帶煙霞橫堤列錦帳傍浦駐香車歡娛屬晦
節醕酌未還家

琬魏州元城人與郭元振善習邊事守邊積二十年開

元中終同州刺史

麴瞻

慈恩寺九日應制云
扈蹕遊玄地陪仙瞰紫微似邁銖
衣却將同羽化飛雕戈秋日麗寶劍曉霜霏獻觴乘菊
序長願奉天暉

樊忱

慈恩寺九日應制云
淨境重陽節仙遊萬乘來插萸登
鷺嶺把菊坐峰臺十地祥煙合三天瑞景開秋風詞更

遠竊抃樂康哉

孫佺

慈恩寺九日應制云應節萸香滿初寒菊浦新龍旗煥
辰極鳳駕儼香闥蓮井偏疑夏梅梁更若春一忻陪鴈
塔還似得天身

佺麟德宰相處約之子延和初為幽州都督為奚所敗
同周以弟見獲送默啜所殺之佺不知兵始裴懷古為
都督馭士有方朝廷以佺代之遂及敗

李從遠

慈恩寺九日應制云九月從時豫三乘為法開中霄日
天子半座寶如來摘果珠盤獻攀莢玉輦迴願將塵露
點遙奉光明臺

周利用

慈恩寺九日應制云出豫乘金節飛文煥日宮
聖酒杏苑被玄功塔向三天迥禪收八解空叨恩奉蘭
籍終愧洽薰風

金城公主和蕃中宗送至馬嵬羣臣賦詩帝令御史大夫鄭惟忠及利用護送入蕃學士賦詩以餞徐彥伯為之序云

楊庶

九日侍宴應制云遠目瞰秦垓重陽坐灞亭既開黃菊酒還降紫微星簫鼓諳仙曲山河入畫屏幸茲陪宴喜

無以效丹青

得亭字

慈恩寺九日應制云萬乘臨真境重陽眺遠空慈雲浮

鴈塔定水映龍宮寶鐸含飈響仙輪帶日紅天文將瑞
色輝煥滿寰中

沈佺期酬楊給事中庶見贈臺中詩云子雲推辯博公
理擅詞雄始自尚書省旋聞給事中言從溫室秘籍向
鎖闥通

張景源

慈恩寺九日應制云飛塔凌霄起宸遊一局馬金壺新
泛菊寶座即披蓮就日搖香輦憑雲出梵天祥氛與佳

色相伴雜鑪煙

李恒

慈恩寺九日應制云寶地隣丹掖香臺瞰碧雲闕山江
水出城闕樹中分層藻蘭英秀仙杯菊蕊薰願將今日
樂長奉聖明君

唐詩紀事卷十二